



Ekonomski fakultet u Sarajevu

Na osnovu člana 135. i 137. Zakona o visokom obrazovanju („Službene novine Kantona Sarajevo“, broj: 33/17), člana 92. i 98. Statuta Univerziteta u Sarajevu, člana 91. Pravilnika o unutrašnjem ustrojstvu i organizaciji rada Ekonomskog fakulteta u Sarajevu i Odluke Vijeća Ekonomskog fakulteta Univerziteta u Sarajevu broj: 02-3124/18 od 07. 06. 2018. godine, Vijeće Ekonomskog fakulteta Univerziteta u Sarajevu objavljuje

JAVNI KONKURS ZA IZBOR DEKANA (RUKOVODIOCA ORGANIZACIONE JEDINICE) EKONOMSKOG FAKULTETA UNIVERZITETA U SARAJEVU

Dekan (rukovodilac organizacione jedinice) Ekonomskog fakulteta Univerziteta u Sarajevu bira se na mandatni period od četiri (4) godine.

Kandidat za dekana (rukovodioca organizacione jedinice), treba da ispunjava uvjete u skladu sa članom 137. Zakona o visokom obrazovanju („Službene novine Kantona Sarajevo“, broj: 33/17), i to:

- da je državljanin Bosne i Hercegovine,
- da je u radnom odnosu u punom radnom vremenu na Ekonomskom fakultetu Univerziteta u Sarajevu,
- da je izabran u nastavno zvanje u skladu sa članom 93. stav (2) alineja a), b) i c) Zakona o visokom obrazovanju („Službene novine Kantona Sarajevo“, broj: 33/17), (redovni profesor, vanredni profesor, docent),
- da redovni profesor ispunjava obavezu utvrđenu u članu 94. stav (1) alineja g) Zakona o visokom obrazovanju („Službene novine Kantona Sarajevo“, broj: 33/17),
- da nije osuđivan za krivično djelo ili da se protiv istog ne vodi krivični postupak,
- da nije predsjednik ili član Upravnog odbora Univerziteta u Sarajevu u skladu sa članom 128. Zakona o visokom obrazovanju („Službene novine Kantona Sarajevo“, broj: 33/17),
- da nije politički angažiran u stranačkom rukovodstvu, zakonodavnoj, izvršnoj ili sudskoj vlasti bilo kojeg nivoa.

Uz prijavu na konkurs zainteresirani kandidati dužni su priložiti:

- Biografiju (CV) datiranu i potpisano od strane kandidata,
- Opis naučnog i stručnog rada,
- Program rada za mandatni period (štampana i elektronska forma),
- Izvod iz matične knjige rođenih,
- Uvjerenje o državljanstvu,
- Odluku o izboru u akademsko zvanje redovnog profesora, vanrednog profesora ili docenta,
- Potvrdu da je u punom radnom odnosu na Ekonomskom fakultetu Univerziteta u Sarajevu,
- Ovjerenu izjavu da nije politički angažiran u stranačkom rukovodstvu, zakonodavnoj, izvršnoj ili sudskoj vlasti bilo kojeg nivoa,
- Ovjerenu izjavu da nije predsjednik ili član Upravnog odbora Univerziteta u Sarajevu,

Kandidat koji bude izabran dužan je dostaviti:

- Uvjerenje da nije osuđivan za krivično djelo i da se protiv istog ne vodi krivični postupak,
- Ovjerenu Izjavu da se na istog ne odnosi član IX. stav 1. Ustava Bosne i Hercegovine.

Tražena dokumentacija se prilaže u originalu ili ovjerenoj fotokopiji.

Konkurs se objavljuje u dnevnom listu „Oslobođenje“, web stranici Ekonomskog fakulteta Univerziteta u Sarajevu i web stranici Univerziteta u Sarajevu.

Rok za prijavu je 15 dana od dana objavljivanja konkursa.

Prijave se dostavljaju putem pošte ili lično na protokol Fakulteta na adresu:
Ekonomski fakultet Univerziteta u Sarajevu, Trg oslobođenja - Alija Izetbegović broj 1, 71 000 Sarajevo.

Prijave se dostavljaju u zatvorenoj koverti, sa naznakom „Prijava za Konkurs za izbor dekana - za Komisiju - ne otvarati“.

Nepotpune i neblagovremene prijave neće se uzimati u razmatranje.